



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o izmjenama Odluke o utvrđivanju posebnog značaja za Grad Sarajevo za udruženja:
Vijeće Kongresa bošnjačkih intelektualaca,
Srpsko građansko vijeće – Pokret za ravnopravnost u Bosni i Hercegovini i
Hrvatsko narodno Vijeće u Bosni i Hercegovini
(Prijedlog)

Predlagač: Gradonačelnik

Obrađivač: Gradska služba za lokalnu samoupravu

Sarajevo, januar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), kao i na osnovu člana 6. Odluke o utvrđivanju posebnog značaja za Grad Sarajevo za udruženja: Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini („Službene novine Kantona Sarajevo“, broj 2/21), Gradsko vijeće Grada Sarajeva, na __. sjednici održanoj dana __. __. 2025. godine, donijelo je:

(Prijedlog)

Odluku

**o izmjenama Odluke o utvrđivanju posebnog značaja za Grad Sarajevo za udruženja:
Vijeće Kongresa bošnjačkih intelektualaca, Srpsko građansko vijeće – Pokret za
ravnopravnost u Bosni i Hercegovini i Hrvatsko narodno Vijeće u Bosni i Hercegovini**

Član 1.

U Odluci o utvrđivanju posebnog značaja za Grad Sarajevo za udruženja: Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini („Službene novine Kantona Sarajevo“, broj 2/21)), član 2. mijenja se i glasi:

„Član 2.

Udruženja iz člana 1. Odluke kandiduju se za finansiranje iz sredstva Budžeta Grada Sarajeva putem javnog poziva, sa pozicije: Udruženja od posebnog značaja za Grad – Javni poziv“.

Član 2.

Članovi 3. i 4. Odluke, briše se.

Član 3.

Članovi 5., 6. i 7. postaju članovi 3., 4. i 5. Odluke.

Član 4.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:

Sarajevo, __. __. 2025. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje. Pravni osnov, također je sadržan i u članu 6. Odluke o utvrđivanju posebnog značaja za Grad Sarajevo za udruženja: Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini, kojim je propisano da se izmjene i dopune Odluke vrše na način i po postupku za njeno donošenje.

RAZLOZI DONOŠENJA

Gradsko vijeće Grada Sarajeva, na svojoj 48. sjednici održanoj dana 27.12.2025. godine, donijelo je Budžet Grada Sarajeva za 2025. godinu i Odluku o izvršavanju Budžeta Grada Sarajeva za 2025. godinu, te je tako utvrđena budžetska pozicija „Udruženja od posebnog značaja za Grad – Javni poziv“. Na istoj sjednici, Gradsko vijeće Grada Sarajeva, također je donijelo Odluku o izmjenama Odluke o uslovima i načinu sticanja statusa udruženja i fondacija od posebnog značaja za Grad Sarajevo, pa je u članu 2. Odluke propisano da se udruženja i fondacije, koji su ranije, u skladu sa pojedinačnim odlukama Gradskog vijeća, ostvarili status od posebnog značaja za Grad Sarajevo, upućuju na javni poziv za dodjeljivanje budžetskih sredstva, i to za svaku budžetsku godinu.

U skladu sa navedenim propisima, izmijenjene su odredbe Odluke o utvrđivanju posebnog značaja za Grad Sarajevo za udruženja: Vijeće Kongresa bošnjačkih intelektualaca, Srpsko građansko vijeće – Pokret za ravnopravnost u Bosni i Hercegovini i Hrvatsko narodno Vijeće u Bosni i Hercegovini, koje se odnose na kriterije i način sufinansiranja Udruženja.

Imajući u vidu navedeno, te uvažavajući opredjeljenja Grada Sarajeva za postizanjem što većeg stepena transparentnosti prilikom dodjele budžetskih sredstava, shodno Smjernicama o minimalnim standardima dodjele budžetskih sredstava putem transfera i subvencija u Federaciji BiH, pristupilo se donošenju ove odluke.

FINANSIJSKA SREDSTVA

Finansijska sredstva za realizaciju ove odluke obezbjeđuju se su Budžetu Grada Sarajeva.